



Maniitsumi RG-ip aalisakkanut suliffissuanut, saarullinnik uumatillugit uumatitsivissorlunilu tunissassiorup, nunatsinni annertusiartuinnartup, toqusoorteqartarnerullu piffinni assigiinngitsuni ajornartorsiutaasarnera peqassutsimut innarliinani, aningaasarsiutaanerali tamanut pitsaanerpaaffissamiitinnegarnissaat anguniarlugit, Naalakkersuisut RG suleqatigalugu, nunatta ilaani immikkoortoorta qarfeqalersinnaanera pilersarusioqatigiissinnaanerlu pillugit, apeqquteqaat aallaavigalugu oqallinnissamik siunnersuut.

(Inatsisartunut ilaasortaq Siverth K. Heilmann, Atassut)

Qujanaq Inatsisartunut ilaasortamut Siverth K. Heilmannimut siunnersuummut.

Demokraatit isumaqarput, 100 procentimik aalisarnermik ingerlatsisut ingerlatsiviillu namminneq nalilissagaat, immikkoortortanik pilersitsisoqassanersoq, uumatitsivinnik suliaqartussanik. Aalisarneq niuernerpalaartuuvoq, aningaasarpassuarnik isertitsivigisagarput. Taamaattuassaarlu.

Tamanna isumaqarpoq, uagut politikikkut ingerlatsinermut niuernermilu isummernernut akuliutissanngitsugut akerialianilli pitsaanerpaamik sinaakkusiissasugut, aalisartut, ingerlatsiviit inuiaqatigiillu annerpaamik isertitaqarnissaannut. Peqqusiissanngilagut uumatitsiveqarnerussanersoq – akerialianilli akuliutissanata akualugulu, aalisarnermik ingerlaqartartut nammineq isummernissaat. Qularutiginnilarput, ingerlalluortoqarpat, ingerlataqartut paasissaqqaarmassuk iluatinnaateqarsinnaasut atorluarnissaat.

Taamaatut oqareerlunga, Demokraatit isumaqatigaat, pingaartuuvoq, aalisakkat ataasiakkaat naliisa qaffassartuarnissaat eqqumaffiguassagipput. Tassani Royal Greenland siuttuuvoq Nutaq-projekt-iliornermi, tunisassiamik annertooujussuarmik pitsaassuseqartumik, Ameerikkap avannaani nioqqutigissallugu pilergineqatsumut tunisinissamik siunertaqartumut. Maani nunatsinni pitsaassuseq qaffassissoq nutaaliornarlu pisariaqarpoq nersortariaqarlunilu, ilumoorporli, aalisakkanut uumatitsiviit atorneri unammillernartorta qarmata aalisakkat amerlavallaat toquneranik malitseqartut.

Tassani uparuassavara, uagut Kalaallit Nunaanni nunarsuarmi pitsaanerpaagatta aalisarnermut aalisakkallu passunnerinut, qularutiginnigilarali, inuutissarsiut ilungersorluni sulimmat unammillernartut qaangerniarlugit, kialuunniimmi soqutigisarinnngimmagu aalisakkat pitsaasut annaannissaat. Uagut Demokraatiniit uunga atatillugu aalisarnermik suliaqartut tatigilluinnarpagut. Tatigaarput, taakku pitsaasumik sulisut malittarisassallu atuuttut malikkaat imaasillugu, aalisakkanut toqusoortugisinnaasanut unammillernartorsiorneq minnerulersissallugu.

Tassalu Demokraatit oqallinnermut isummersuutaat.